

**QORAQALPOG'ISTON
RESPUBLIKASI
EKOLOGIYA VA
ATROF-MUHITNI
MUHOFAZA QILISH
QO'MITASI**



**QARAQALPAQSTAN
RESPUBLIKASÍ
EKOLOGIYA HÁM
QORSHAĞAN
ORTALÍQTÍ QORĞAW
KOMITETI**

230100 Nókís qalası, Tań nuri №181-úy Tel.: (361) 224-08-77, Faks.: 224-19-51
el pochta: nukus@uznature.uz; rktabiat@exat.uz

2021-jıl “12” - oktyabr

No 02-03/18-18-2199

Nókis qalası

**O'zbekiston Respublikasi Ekologiya va
atrof muhitni muhofaza qilish davlat
qo'mitasi rais maslahatchisi S.Tashimovga**

**Sizning joriy yilning 06-oktyabrdagi
05-2-sonli topshiriq ijrosi yuzasidan**

Davlat tiliga doir qonun hujjatlarining mazmun mohiyatini tushuntirish, targ'ib qilish va tizimdagi tashkilot va korxonalarda xodimlarning davlat tilini chuqr o'rGANISHLARI uchun zarur shart-sharoitlar yaratish bo'yicha:

Qoraqalpog'iston Respublikasi Ekologiya va atrof-muhitni muhofaza qilish qo'mitasida davlat tiliga doir qonun hujjatlarini targ'ib qilish bo'yicha har bir bo'limda va shahar-tumanlarda faoliyat yuritayotgan xodimlarga davlat tili asosida ish yurtish, xat va buyruqlar, bayonnomalarni rasmiylashtirish yuzasidan tushuntirish ishlari olib borildi. Chiqayotgan har bir xat qo'mita maslahatchisining nazorati ostida, imlo xatolariga yo'l qo'yilmagan holda chiqarilmoqda. Yo'l qo'yilgan kamchiliklar va matndagi xatoliklar o'z vaqtida to'g'rilanmoqda, barcha ish yuritish hujjatlari Davlat tili qoidalariga muvofiqlashtirilmoqda.

Davlat tiliga oid qonun hujjatlariga so'zsiz rioya etilishi, bu borada aniqlangan kamchiliklar va muammolarni bartaraf etish yuzasidan ko'rilgan chora-tadbirlar bo'yicha:

Bu borada muayyan ishlar amalga oshirilib borilmoqda, jumladan, qo'mita va shahar-tumanlarda davlat tilida ish yuritish bo'yicha kitob aosida buyruq, bayonnomalar va boshqa hujjatlar rasmiylashtirilyapti. Hozirgi kunda barcha xatlar lotin yozuvida yozilishi 100 foiz ta'minlandi.

Shuningdek qo'mita faoliyatiga doir barcha tashqi yozuvlar, shu jumladan, lavhalar, e'lonlar, reklama va ko'rgazmali boshqa axborot matnlari, tashqi reklama materiallарини adabiy til meyorlariga rioya etgan holda ustuvor ravishda davlat tilida bo'lishini ta'minlash yuzasidan amaliy ishlar amalga oshirildi.

Jumladan, qo'mitaga taalluqli rekvizitlar, barcha turdagи blanklar (buyruq, qaror, bayonlar), veb-saytlar, elektron pochtalarni lotin alifbosida davlat tilida yozish va qayta tashkil etish amalga oshirildi. Qo'mita peshlavhasi va boshqa tashqi reklama hamda ko'rgazmali boshqa axborot matnlari lotin alifbosiga o'girilib, qaytadan o'rnatildi.

Sohada Davlat tilini rivojlantirishga oid ilmiy-tadqiqot ishlarini qo'llab quvvatlash, ilmiy asoslangan yangi so'z va atamalarni iste'molga kiritish, zamonaviy atamalarning o'zbekona muqobillarini yaratish bo'yicha:

Qo'mitada davlat tilini rivojlantirish borasida ilmiy izlanishlar olib borilmoqda. Jumladan, boshqa tillardan o'zbek tiliga kirib kelgan so'z va atamalarning tarjimasi "O'zbek tili imloviy lug'ati" kitobidan foydalangan holda o'zbek tiliga almashtirildi. Bugungi kunda ushbu so'zlar xodimlar tomonidan xatlarda qo'llanilmoqda.

Internet saytlar hamda ijtimoiy tarmoqlarda Davlat tiliga bag'ishlangan maqola va materiallar berib borish bo'yicha qo'mita tomonidan davlat tilida ish yuritishni targ'ib qilish va bosma nashrlarda chiqishlar qilish orqali o'zbek tili nufuzini yanada ko'tarish borasida OAV va internet sahifalarida doimiy ravishda chiqishlar qilinmoqda.

Qo'mitaning internet sahifalarida ham sohaga oid materiallarni lotin yozuviga o'tkazish borasida amaliy harakatlar olib borilmoqda.

Raisning birinchi o'rinnbosari:



M.Jolibekov